



Godina IV - Broj 3

Petak, 27. januara/siječnja 1995.
SARAJEVO

Akontacija pretplate
se utvrđuje
kvartalno

24

Na osnovu člana 34. stav 1. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

UREDBU

O RATIFIKACIJI SPORAZUMA O SARADNJI U OBLASTI ZDRAVSTVA IZMEĐU MINISTARSTVA ZDRAVSTVA REPUBLIKE BOSNE I HERCEGOVINE I MINISTARSTVA ZDRAVSTVA REPUBLIKE TURSKE

Član 1.

Ratifikuje se Sporazum o saradnji u oblasti zdravstva između Ministarstva zdravstva Republike Bosne i Hercegovine i Ministarstva zdravstva Republike Turske, potpisan 25. 10. 1994. godine u Ankari, u tri originala, na bosanskom, turskom i engleskom jeziku.

Član 2.

Tekst Sporazuma na bosanskom jeziku glasi:

SPORAZUM

O SARADNJI U OBLASTI ZDRAVSTVA IZMEĐU MINISTARSTVA ZDRAVSTVA REPUBLIKE BOSNE I HERCEGOVINE I MINISTARSTVA ZDRAVSTVA REPUBLIKE TURSKE

- Ministarstvo zdravstva Republike Bosne i Hercegovine i Ministarstvo zdravstva Republike Turske (u daljem tekstu: strane),
- Vjerujući u neophodnost razvoja zdravlja naroda ove dvije zemlje putem zajedničkih napora i značaj zdravstva u kontekstu bilateralnih odnosa, složile su se o sljedećem:

Član 1.

Strane će, osiguravajući bilateralna istraživanja o nacionalnim zdravstvenim sistemima, razmjenjivati iskustva i informacije iz oblasti nacionalnih zdravstvenih sistema, bolničkog menadžmenta i opšteg zdravstvenog osiguranja.

Turska strana će informisati Ministarstvo zdravstva Republike Bosne i Hercegovine o aktivnostima na reformi zdravstva koje su otpočele u Turskoj.

Član 2.

U cilju razvoja preventivnih zdravstvenih usluga, strane će obezbjediti tehničku i naučnu saradnju u oblastima mentalnog zdravlja, imunizacije, kontrole hrane i ekološkog zdravlja, proizvoda krvi, epidemijskih bolesti, otrova i istraživanja otrova.

Član 3.

Strane će razmjenjivati informacije i iskustva iz oblasti zdravlja majke i djeteta, planiranja porodice i porodičnih ljekara.

Član 4.

U oblasti kurativnih usluga, strane će obezbjediti tehničku i naučnu saradnju u onkologiji, neurologiji, neurohirurgiji, kardiovaskularnim oboljenjima, hematologiji, i posebno u oblasti pružanja hitnih medicinskih usluga.

Član 5.

U cilju osiguranja plodotvornijeg korištenja industrijskih i tehnoloških pogodnosti dviju zemalja u oblasti medicine i zdravlja:

- podržaće se implementacija i razvoj tehnoloških, ekonomskih i komercijalnih odnosa između ove dvije zemlje u odgovarajućim sektorima s ciljem unaprijeđenja zajedničke proizvodnje i prodaje medicinske opreme, lijekova, sirovina za lijekove i materijala za obuku. Takođe, će se podržati zajedničke aktivnosti prema trećim zemljama;

- strane će obezbjediti saradnju u oblastima licenci za lijekove kontrole kvaliteta, istraživanja i informacija;
- odgovarajući zdravstveni organi vlasti u najkraćem roku pripremiće registraciju dozvola koje su neophodne za uvoz i izvoz. Unaprijediće se specifična saradnja u praksi kvalitetne

proizvodnje, kvalitetne laboratorijske prakse, kvalitetne kliničke prakse i evaluacijskim izvještajima. Podržaće se evaluacija laboratorijskih kontrola i bolničkih proba (ako je potrebno).

Član 6.

Strane će prenijeti u praksu predmete tehničke i naučne saradnje predviđene ovim sporazumom na slijedeći način:

- izvođenjem zajedničkih naučnih istraživačkih programa,
- osiguranjem zajedničke razmjene stručnjaka iz oblasti koje se budu smatrale neophodnim i organizovanjem kurseva na kraći period (od jedan do tri mjeseca),
- podržavanjem pozivanja naučnika i eksperata na kongrese, konferencije i simpozijume koji će organizirati unaprijednjem direktnih kontakata između naučnika i medicinskih institucija,
- obezbjeđivanjem razmjene medicinskih informacija i dokumenata.

Član 7.

Kod mogućih posjeta stručnjaka i drugog osoblja u okviru ovog sporazuma:

- strana koja šalje pokrće sve troškove putnih karata u oba pravca do i od glavnog grada strane prijema,
- strana-domaćin snosiće troškove smještaja i ishrane i putovanja u zemlji domaćina (koja su neophodna),

Član 3.

Ova uredba stupa na snagu danom objavljivanja u "Službenom listu RBiH".

V broj 14/95
20. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

25

Na temelju članka 15. stavak 2. Zakona o kontroli kvaliteta poljoprivrednih i prehrambenih proizvoda u vanjskotrgovinskom prometu ("Službeni list RBiH", br. 2/92 i 13/94), nakon pribavljenog mišljenja Privredne komore Bosne i Hercegovine, Vlada Republike Bosne i Hercegovine, donosi

ODLUKU

**O VISINI NAČINU PLAĆANJA NAKNADE ZA
POKRĆE TROŠKOVA KONTROLE KVALITETA
POLJOPRIVREDNIH I PREHRAMBENIH
PROIZVODA U VANJSKOTRGOVINSKOM PROMETU**

I

Ovom odlukom utvrđuje se visina i način plaćanja naknade za pokrće troškova kontrole kvaliteta poljoprivrednih i prehrambenih proizvoda u vanjskotrgovinskom prometu (u daljem tekstu: proizvodi).

II

Visina naknade iz tačke I ove odluke za proizvode koji se izvoze, odnosno uvoze, utvrđuje se zavisno od vrste, mase i načina transportovanja, i iznosi:

1. za vagnske, kamionske, avionske i kontejnerske pošiljke do deset tona - 30 DEM, a za svaku slijedeću tonu, odnosno svaku započetu tonu povećava se za 3 DEM;
2. za brodske pošiljke do 30 tona - 30 DEM, a za svaku slijedeću tonu, odnosno svaku započetu tonu povećava se za 3 DEM;
3. za denčane pošiljke do pet koleta - 5 DEM, a za svako slijedeće koletu povećava se za 1 DEM.

III

Izuzetno od tačke II ove odluke, za konje za klanje i druge kategorije konja, za goveda za klanje uključujući telad i junad

- strana-domaćin će besplatno u slučaju hitnosti obezbjeđiti medicinsko liječenje, isključujući dentalne proteze gostujućim ekspertima.

Član 8.

Ministarstva zdravstva ove dvije zemlje će biti odgovorna za sprovođenje ovog sporazuma. Odgovarajuća odjeljenja za vanjske odnose ministarstva zdravstva dviju zemalja će obezbjeđiti neophodnu koordinaciju za sprovođenje ovog sporazuma.

Ovaj sporazum podliježe ratifikaciji i stupit će na snagu dan nakon razmjene notifikacijskih instrumenata.

Ovaj sporazum važi za period od četiri godine i njegova važnost će se automatski produžiti za naredne četiri godine, osim ako ne bude otkazan šest mjeseci prije isteka njegovog roka.

Ovaj sporazum je potpisan u Ankari dana 25.10.1994. godine, u tri primjerka na bosanskom, turskom i engleskom jeziku, svaka verzija je jednako valjana. U slučaju neslaganja u interpretaciji prevlađaće engleska verzija.

U ime Ministarstva
zdravstva Republike
Bosne i Hercegovine
dr Božo Ljubić,
ministar

U ime Ministarstva
zdravstva Republike Turske
dr Dogan Baran,
ministar

za tov i klanje, osim stoke za priplod, plaća se naknada u iznosu 5 DEM po grlu.

IV

Naknada iz tač. II i III ove odluke za kontrolu kvaliteta proizvoda koja se obavlja noću, nedjeljom, u dane blagdana i neradne dane, povećava se za 100%.

Noćnim radom u smislu stava 1. ove tačke smatra se rad od 19 do 6 sati.

V

Ako uvoznik, odnosno izvoznik ne pripremi pravodobno proizvode za pregled, a inspektor izide na mjesto pregleda u određeno vrijeme, dužan je za njegov izlazak platiti 10 DEM po satu čekanja.

VI

Uvoznik, odnosno izvoznik dužan je uz zahtjev za kontrolu kvaliteta proizvoda nadležnoj inspekciji priložiti dokaze o uplati naknade iz tač. II, III i IV ove odluke.

Naknade iz tač. II, III, IV i V ove odluke prihod su republičkog budžeta.

Organizacije ovlaštene za obavljanje kontrole kvaliteta koja se vrši laboratorijskim ispitivanjem, naplatu naknade za izvršenu kontrolu obavljaju po izvršenoj kontroli.

VII

Ako se pregled proizvoda obavlja izvan sjedišta inspekcije, uvoznik, odnosno izvoznik, dužan je inspektoru koji obavlja kontrolu izdati putni nalog i platiti putne troškove po obračunatom putnom nalogu.

VIII

Naknade utvrđene u DEM u tač. II, III, IV i V ove odluke uplaćuju se na račun "-840-6100-Republičke naknade za pokrće troškova kontrole kvaliteta poljoprivrednih i prehrambenih proizvoda u vanjskotrgovinskom prometu" kod Službe društvenog knjigovodstva Bosne i Hercegovine u dinarskoj protuvrijednosti po srednjem tečaju, koji utvrđuje i objavljuje

Narodna banka Republike Bosne i Hercegovine, na dan plaćanja.

IX

Stupanjem na snagu ove odluke, prestaje da važi Odluka o visini i načinu plaćanja naknade za pokriće troškova kontrole kvaliteta poljoprivrednih i prehrambenih proizvoda u vanjskotrgovinskom prometu ("Službeni list RBiH", broj 2/92).

X

Ova odluka stupa na snagu danom objavljivanja u "Službenom listu RBiH".

V broj 19/95
24.januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

26

Na osnovu člana 2a. Zakona o primjeni Zakona o redovnim sudovima ("Službeni list RBiH", br. 6/92, 11/92, 21/92 i 19/93), Vlada Republike Bosne i Hercegovine, na prijedlog ministra pravde, donosi

ODLUKU

O UKIDANJU ODJELJENJA VRHOVNOG SUDA BOSNE I HERCEGOVINE U MOSTARU

I

Ukida se Odjeljenje Vrhovnog suda Bosne i Hercegovine sa sjedištem u Mostaru za područje Višeg suda u Mostaru.

II

Ako zbog ratnih okolnosti Vrhovni sud Bosne i Hercegovine u Sarajevu ne bude u mogućnosti vršiti sudsku funkciju za područje Višeg suda u Mostaru, funkciju Vrhovnog suda Bosne i Hercegovine za područje Višeg suda u Mostaru vršit će Odjeljenje Vrhovnog suda Bosne i Hercegovine u Zenici.

III

Danom stupanja na snagu ove odluke prestaje da važi odluka o obrazovanju Odjeljenja Vrhovnog suda Bosne i Hercegovine u Mostaru ("Službeni list RBiH", broj 2/94).

IV

Ova odluka stupa na snagu danom objavljivanja u "Službenom listu RBiH".

V broj 17/95
24. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

27

Na osnovu člana 90. Zakona o sredstvima i finansiranju-financiranju Armije Republike Bosne i Hercegovine ("Službeni list RBiH", br. 6/93, 17/ 93 i 13/94) ministar odbrane, donosi

UPUTSTVO

O NAČINU IZVRŠAVANJA PLANA ZADATAKA I FINANSIRANJA-FINANCIRANJA ARMIIJE REPUBLIKE BOSNE I HERCEGOVINE ZA VRIJEME RATNOG STANJA

1. Godišnjim planom zadataka i finansiranja Armije Republike Bosne i Hercegovine (u daljem tekstu: finansijski-financijski plan) utvrđuju se ukupna novčana sredstva namijenjena za finansiranje-financiranje Armije Republike Bosne i Hercegovine u tekućoj kalendarskoj godini razrađena, po:

a/ izvorima osiguranja sredstava; dinarskim i deviznim sredstvima;

b/ namjenama i

c/ nosiocima izvršavanja.

2. Izvori osiguranja i namjene sredstava planiraju u skladu sa Zakonom o primjeni Zakona o finansiranju opštih društvenih potreba ("Službeni list RBiH", br. 11/92, 3/93, 19/93, 27/93 i 13/94), Zakona o sredstvima i finansiranju Armije Republike Bosne i Hercegovine ("Službeni list RBiH" br. 6/93, 17/93 i 13/94) i drugim propisima i opštim aktima kojima se osiguravaju blagovremenost, potpunost i pouzdanost osiguranja nekretnina, materijalnih sredstava i usluga za potrebe Armije Republike Bosne i Hercegovine za vrijeme ratnog stanja.

3. Nosioci izvršavanja finansijskog plana su:

a/ Ministarstvo odbrane-Ministarstvo obrane:

b/ Ministarstvo finansija-financija;

c/ Ministarstvo zdravlja;

d/ Ministarstvo energetike i industrije - Direkcija za kontrolu vojne proizvodnje i

e/ Državna direkcija robnih rezervi.

u skladu sa Zakonom o ministarstvima i drugim organima državne uprave Republike Bosne i Hercegovine ("Službeni list RBiH", broj 15/94) i drugim zakonima, propisima i opštim aktima.

Generalštab Armije Republike Bosne i Hercegovine (u daljem tekstu: GŠ Armije RBiH) neposredno vrši nabavku u okviru odobrenih finansijskih- finansijskih sredstava:

- Telefoni i faksimil uređaji;
- Telefonski uređaji;
- Alati, instrumenti i radionice;
- Sredstva integralnog transporta;
- Računarska sredstva i oprema;
- Veterinarska sredstva;
- Akumulatori i galvanski elementi;
- Audio i foto oprema;
- Oprema i učila;
- Ostala školska i nastavna sredstva;
- Protivpožarna sredstva i oprema;
- Priručna sredstva za zaprečavanje;
- Maskirna sredstva;
- Kopitari;
- Artikli ishrane za životinje;
- Izgradnja privremenih objekata i objekata poljskog tipa;
- Oprema za spavanje (posteljina, deke, jastuci, dušeci);
- Posude za vodu;
- Termos posude;
- Pečenje hljeba;
- Pranje i sušenje rublja;
- Artikli ishrane sem osnovnih artikala za koje je nosilac inistarstvo odbrane;
- Vodosnabdijevanje;

- Potrošni materijal;
- Laki remont i održavanje;
- Zakupnine objekata;
- Usluge održavanja objekata;
- Korištenje objekata za smještaj jedinica - ustanova;
- Transportne usluge;
- Zanatske usluge;
- Radio televizijske i poštanske usluge;
- Štamparske usluge;
- Intendantska sredstva osim onih koja se nabavljaju prilikom opremanja;
- Sanitetska sredstva osim onih koja se nabavljaju prilikom opremanja.

Dio svojih ovlaštenja iz tačke 3. ovog uputstva, GŠ Armije RBiH može prenijeti na nivo korpusa i jedinica sa samostalnom formacijom.

4. U postupku donošenja finansijskog-financijskog plana, prije podnošenja Vladi Republike Bosne i Hercegovine na saglasnost, Ministar odbrane ili Zamjenik ministra u saradnji sa funkcionerima koji rukovode organima uprave iz tačke 3. stav 1. ovog uputstva, obavezno vrši usaglašavanje visine, izvora i namjene sredstava.

Finansijski-financijski plan donosi ministar odbrane ili zamjenik ministra uz saglasnost Vlade Republike Bosne i Hercegovine.

5. U republičkom budžetu Ministarstvo finansija-financija vrši raspored sredstava (dinarska i devizna) po nosiocima izvršenja, u skladu sa donešenim finansijskim-financijskim planom.

6. Nosioci izvršavanja finansijskog-financijskog plana su samostalni u njegovom izvršavanju.

U skladu sa visinom sredstava osiguranih u republičkom budžetu, nosioci izvršenja finansijskog-financijskog plana mogu, za utvrđene namjene, stupati u obližne odnose sa trećim licima.

7. GŠ Armije RBiH i organizacione jedinice Ministarstva odbrane, zahtjev za novčanim sredstvima, u okviru sredstava Ministarstva odbrane kao nosioca izvršenja finansijskog-financijskog plana, sastavljaju u skladu sa Uputom o načinu, sadržaju i rokovima za dostavljanje zahtjeva za novčana sredstva, pravdanje utroška i dostavljanje izvještaja o utrošenim sredstvima i dostavljaju ga Sektoru za logistiku i finansije Ministarstva odbrane.

8. Po okončanju aktivnosti iz tačke 7. ovog uputstva, Ministarstvo odbrane-obrane sastavlja plan raspodjele finansijskih-financijskih sredstava i dostavlja ga Ministarstvu finansija-financija radi njihovog obezbjeđenja, a potom prati dinamiku osiguranja i doznaku korisnicima.

9. Ministarstvo odbrane-obrane u odnosima međusobne saradnje sa nosiocima izvršavanja finansijskog-financijskog plana, prati blagovremenost i potpunost njegovog izvršenja, te prema potrebi predlaže ili, u okviru svojih ovlaštenja, samostalno preduzima mjere i postupke za njegovu realizaciju.

10. U slučaju da se u republičkom budžetu ne mogu osigurati dovoljna sredstva kojima bi se ravnomjerno zadovoljile sve potrebe nosilaca izvršenja za planirane namjene, Ministarstvo

finansija-financija će odmah, bez odlaganja, obavijestiti sve nosioce izvršenja finansijskog-financijskog plana radi utvrđivanja prioriteta u korištenju sredstava.

Prioritet korištenja raspoloživih sredstava utvrđivaće zajedničko koordinaciono tijelo, sastavljeno od po jednog ovlaštenog radnika nosilaca izvršenja finansijskog-financijskog plana i GŠ Armije RBiH.

U slučaju da se ne mogne postići saglasnost u prioritetu korištenja, raspoloživa sredstva će se usmjeriti za one namjene kako to zatraži ovlašteni predstavnik GŠ Armije RBiH.

11. U slučaju iz tačke 10. ovog uputstva koordinaciono tijelo će, sagledavajući druge mogućnosti izvršenja finansijskog-financijskog plana, donijeti zaključak o nekom drugom zadovoljavajućem rješenju za njegovo izvršenje do osiguranja nedostajućih finansijskih sredstava za ove namjene u republičkom budžetu. U suprotnom, za iznos finansijskih-financijskih sredstava koja se ne mogu, u određenom vremenskom periodu staviti na raspolaganje pojedinim nosiocima izvršavanja finansijskog-financijskog plana srazmjerno se smanjuju njihove obaveze za osiguranje nekretnina, materijalnih sredstava ili usluga.

12. Izvještaj o namjenskom trošenju finansijskih-financijskih sredstava iz republičkog budžeta i primljenih donacija svi nosioci izvršenja podnose Ministarstvu odbrane-obrane.

Izvještaj se sastavlja tromjesečno i dostavlja do 15. u mjesecu za proteklo tromjesečje za koje je donešen republički budžet.

U izvještaju će se iskazati ukupno utrošena finansijska-financijska sredstva, po izvorima i namjenama.

13. Danom stupanja na snagu ovog uputstva prestaje da važi Uputstvo broj: 01-9-75/94. od 29. marta 1994. godine.

14. Ovo uputstvo stupa na snagu osmog dana od dana objavljivanja u "Službenom listu RBiH".

Broj: 05.2-134-75/94.

28. decembra 1994. godine
Sarajevo

Zamjenik ministra
Muhamed Lemeš, s. r.

28

Na osnovu tačke XI Odluke o oslobađanju od plaćanja određenih komunalnih usluga, troškova izdavanja putnih i drugih isprava i povlasticama u unutrašnjem putničkom prometu ("Službeni list RBiH", broj 2/95), ministar u Vladi Republike Bosne i Hercegovine, u saradnji sa ministrom odbrane, ministrom unutrašnjih poslova, ministrom prostornog uređenja, resursa i zaštite okolice, ministrom prometa i komunikacija, ministrom energetike i industrije i ministrom finansija, donosi

UPUTSTVO ZA PRIMJENU ODLUKE O OSLOBADANJU OD PLAĆANJA ODREĐENIH KOMUNALNIH USLUGA, TROŠKOVA IZDAVANJA PUTNIH I DRUGIH ISPRAVA I POVLASTICAMA U UNUTRAŠNjem PUTNIČKOM PROMETU

1. Pripadnici jedinica i štabova Armije Republike Bosne i Hercegovine (u daljem tekstu: Armija RBiH), pripadnici borbinih jedinica i štabova Ministarstva unutrašnjih poslova Republike Bosne i Hercegovine (u daljem tekstu: MUP RBiH),

pripadnici postrojbi i stožera Hrvatskog vijeća obrane (u daljem tekstu: HVO) u sastavu Armije RBiH, ratni vojni invalidi i članovi porodice poginulih boraca, oslobođeni su plaćanja komunalnih usluga iz tačke I Odluke o oslobađanju od plaćanja određenih komunalnih usluga, troškova izdavanja putnih i drugih isprava i povlasticama u unutrašnjem putničkom prometu (u daljem tekstu: Odluka), kada su ta lica nosioci stanarskog prava, privremeni korisnici stanarskog prava, vlasnici stambene zgrade ili stana u etažnoj svojini.

Nosilac stanarskog prava, privremeni korisnik stanarskog prava, vlasnik stambene zgrade ili stana u etažnoj svojini, oslobađaju se plaćanja komunalnih usluga ukoliko žive u zajedničkom domaćinstvu sa licima iz stava 1. ove tačke na dan stupanja na snagu Odluke.

Oslobađanje od plaćanja stanarine podrazumijeva maksimalnu kvadraturu stana koja iznosi 12 m² fiksno, plus 15 m² za svakog člana zajedničkog domaćinstva, plus 8 m² fiksno za ratne vojne invalide I, II, III i IV grupe vojnog invaliditeta. Za kvadraturu stana koja prelazi ovako utvrđenu veličinu plaća se ekonomska stanarina.

Zajedničkim domaćinstvom u smislu Odluke, smatra se zajednica života i stanovanja sa licima iz tačke 1. ovog uputstva.

Zajedničko domaćinstvo dokazuje se ovjerenom ispravom od nadležnog opštinskog organa uprave o zajedničkom domaćinstvu i prijavom stalnog ili privremenog boravka koju izdaje nadležni organ uprave MUP-a RBiH.

2. Dokaz o potrebi i neophodnosti liječenja ili pružanja druge zdravstvene usluge iz tačke II odluke izdaje Ministarstvo zdravlja - filijala zdravstvenog osiguranja prema mjestu prebivališta lica iz tačke 1. ovog uputstva.

3. Lica iz tačke 1. ovog uputstva oslobođena su od plaćanja sudskih i administrativnih taksa iz tačke III Odluke u sudskim i administrativnim postupcima u kojima ostvaruju osnovna lična socijalno-statusna prava, kao što su stambena pitanja, pravo na invalidninu, penziju i slično.

4. Lica iz tačke 1. ovog uputstva ostvaruju pravo na besplatnu vožnju iz tačke IV Odluke na osnovu Objave za besplatnu vožnju (u daljem tekstu: Objava) prema Obrascu broj 1. koji je sastavni dio ovog uputstva. Sastavni dio Objave su kuponi za prijevoz koji su izrađeni sa perforacijom tako da se mogu kidati.

Objava se popunjava u dva primjerka od kojih se prvi primjerak izdaje korisniku, a kopija ostaje kod davaoca.

Davalac pečatom ovjerava potreban broj kupona za prijevoz prema broju vožnji u odlasku odnosno povratku.

O izdatim objavama vodi se evidencija koja sadrži broj Objave, ime i prezime korisnika, svojstvo korisnika i osnov izdavanja Objave (razlog putovanja).

Na osnovu uredno popunjene i ovjerene Objave ovlašteno lice prijevoznika (kondukter) popunjava i otkida ovjeren kupon za prijevoz, a Objavu zadržava korisnik za dalju upotrebu.

Uredno popunjen i ovjeren kupon za prijevoz sa njihovom evidencijom je osnov za podnošenje zahtjeva za kompenzaciju cijene prijevoza od Ministarstva finansija.

Evidencija iz stava 6. ove tačke sadrži serijski broj kupona, broj korisnika po jednom kuponu i ukupnu cijenu prijevoza.

Objavu za besplatnu vožnju izdaju štabovi, komande i ustanove za pripadnike Armije RBiH, MUP RBiH i HVO u

sastavu Armije RBiH, odnosno opštinski organ uprave nadležan za boračko-invalidsku zaštitu - za ratne vojne invalide i članove porodice poginulih boraca.

Pod jednim putovanjem u smislu tačke IV Odluke, podrazumijeva se samo jedna besplatna vozna karta u odlasku i povratku, bez obzira na broj članova porodice.

Dokaz o potrebi liječenja ili rehabilitacije na teritoriji Republike Bosne i Hercegovine izdaje nadležna zdravstvena ustanova, odnosno ljekarska komisija prema mjestu prebivališta lica iz ove tačke.

5. Dokumentat kao dokaz o svojstvu lica iz tačke 1. ovog uputstva i druge dokaze iz Odluke izdaju:

a) za pripadnike Armije RBiH, pripadnike MUP-a RBiH i pripadnike HVO u sastavu Armije RBiH - nadležni štab, komanda i ustanova.

b) za ratne vojne invalide i članove porodice poginulog borca - opštinski organ uprave nadležan za boračko-invalidsku zaštitu,

c) za nužne pratiocce teškog ratnog vojnog invalida - opštinski organ uprave nadležan za boračko-invalidsku zaštitu na osnovu rješenja o priznatom pravu na njegu i pomoć od strane drugog lica, odnosno nadležna ljekarska komisija, ukoliko organ nije donio rješenje.

Član porodice poginulog borca i ratnog vojnog invalida ima pravo na povlastice utvrđene Odlukom ukoliko je pridonio dokaz iz stava 1. pod b) ove tačke i ako je živio u zajedničkom domaćinstvu neposredno prije smrti borca, odnosno ranjavanja.

Nadležni organi dužni su voditi evidenciju o dokumentima izdatim, u smislu ovog uputstva.

6. Poginuli borac, u smislu Odluke, smatra se i umrli, odnosno nestali pripadnik Armije RBiH, pripadnik MUP-a RBiH i pripadnik HVO u sastavu Armije RBiH.

Ratni vojni invalid i član porodice poginulog borca u smislu Odluke smatra se i ratni vojni invalid i član porodice poginulog borca iz Drugog svjetskog rata.

7. Preduzeća i ustanove koja daju povlastice po Odluci dužna su da vode evidencije o korisnicima, vrsti i dokumentu na osnovu koga se koristi povlastica i iznos za koji se lice oslobađa.

Preduzeća i ustanove koja daju povlastice dužna su dostaviti spisak korisnika usluga na ovjeru za područje opštine i to:

a) za pripadnike Armije RBiH, pripadnike MUP-a RBiH i pripadnike HVO u sastavu Armije RBiH - Odjeljenju ministarstva odbrane,

b) za ratne vojne invalide i članove porodice poginulih boraca - opštinskom organu uprave nadležnom za boračko-invalidsku zaštitu.

Ovjeren spisak i zahtjev za kompenzaciju sredstava, preduzeće i ustanove, koja daju povlastice, dostavljaju Ministarstvu za finansije.

8. Dokument kao dokaz u smislu ovog uputstva daće se na uvid ovlaštenom radniku preduzeća ili ustanove koja daju povlastice po Odluci. Ovlašteni radnik će na računu ili drugom dokumentu konstatovati da je lice korisnik povlastica i upisati broj dokaznog dokumenta.

9. Ovo uputstvo stupa na snagu danom objavljivanja u "Službenom listu RBiH".

Broj: 01-021-13/95
23. januara 1995. godine
Sarajevo

Ministar
dr Izet Žigić, s. r.

(Naziv komande, organizacione
jedinice, ustanove, organa
uprave koji izdaje objavu)

Obrazac - broj 1

No _____

OBJAVA

za besplatnu vožnju po Odluci o povlasticama
u unutrašnjem putničkom prometu

Prezime, ime oca i ime
(upisuju se podaci i za
pratioca odnosno članove
porodice koji imaju pravo
na besplatnu vožnju i
koji zajedno putuju)

iz _____

(mjesto i adresa prebivališta)

u svojstvu _____

(pripadnik oružanih snaga, član porodice, ratni vojni invalid, pratilac)

ima pravo na besplatnu vožnju _____

(kojim prijevoznim sredstvom)

na ukupnoj relaciji od _____

do _____

Razlog putovanja _____

M.P. _____

(potpis ovlaštenog lica)

KUPON U ODLASKU ZA BESPLATNU VOŽNJU	No _____	KUPON U POVRATKU ZA BESPLATNU VOŽNJU	No _____
Prijevoznik _____		Prijevoznik _____	
Relacija _____		Relacija _____	
Broj osoba _____		Broj osoba _____	
Cijene po osobi _____		Cijene po osobi _____	
Ukupna cijena _____		Ukupna cijena _____	
Datum: _____	MP	Datum: _____	MP
KUPON U ODLASKU ZA BESPLATNU VOŽNJU	No _____	KUPON U POVRATKU ZA BESPLATNU VOŽNJU	No _____
Prijevoznik _____		Prijevoznik _____	
Relacija _____		Relacija _____	
Broj osoba _____		Broj osoba _____	
Cijene po osobi _____		Cijene po osobi _____	
Ukupna cijena _____		Ukupna cijena _____	
Datum: _____	MP	Datum: _____	MP

Privredna komora Bosne i Hercegovine

Na osnovu člana 19, 20. i 22. Zakona o privrednim komorama ("Službeni list RBiH", broj 33/90), člana 28. Statuta i Odluke o organizovanju i radu Privredne komore Bosne i Hercegovine u uslovima ratnog stanja, Upravni odbor u funkciji Skupštine na sjednici održanoj 26.01.1995. godine, donio je

ODLUKU

O ČLANSKOM DOPRINOSU ČLANOVA PRIVREDNE KOMORE BOSNE I HERCEGOVINE

Član 1.

Članovi Privredne komore Bosne i Hercegovine (u daljem tekstu: Komora) sa svojom pravnom licu sa sjedištem na teritoriji Republike/Federacije Bosne i Hercegovine, plaćaju članski doprinos za finansiranje zadataka Komore u visini od 3% (tri promila) mjesečno, na osnovicu utvrdenu ovom Odlukom.

Članski doprinos u visini iz prethodnog stava plaćaju Komori strani privredni subjekti koji obavljaju djelatnost ili su registrovani kao strane firme za obavljanje privredne djelatnosti na teritoriji Republike/Federacije Bosne i Hercegovine.

Kolektivni članovi Komore plaćaju članski doprinos u visini od 20% (dvadeset posto) od ukupno ostvarenog mjesečnog odnosno godišnjeg prihoda, po osnovu naplaćene članarine od svojih članova.

Član 2.

Osnovicu za obračun i uplatu članskog doprinosa iz stava 1. i 2. člana 1. ove Odluke čini masa isplaćenih mjesečnih bruto plata zaposlenih. Izdvajanja za ove namjene imaju tretman materijalnih troškova, saglasno važećim propisima.

Ukoliko po obračunu mjesečni članski doprinos iznosi manje od 12,00 DEM izraženo u protuvrijednosti BH dinara po zvaničnom srednjem kursu, član Komore uplatu članskog doprinosa može vršiti tromjesečno.

Član 3.

Uplata doprinosa iz ove Odluke može se vršiti i u stranim sredstvima plaćanja koja su uključena u unutrašnji platni promet.

Član 4.

Uplate članskog doprinosa vrše se preko prelaznog računa za prikupljanje prihoda od članova Komore broj 10100-637-2869 na žiro račun 10100-637-2687, te preko odgovarajućeg prelaznog računa na devizni račun broj 10100-637-94.

Član 5.

Način uplate i praćenja izmirenja članskog doprinosa iz ove Odluke propisivaće uputstvom predsjednik Komore.

Predsjednik Komore je ovlašten da zaključi odgovarajuće ugovore sa nadležnim stručnim institucijama preko kojih se vrši platni promet i isplata plata, o načinu kontrole i uplati doprinosa.

Član 6.

Ova odluka stupa na snagu danom donošenja, a primjenjuje se od 01.01.1995. godine.

Predsjednik

Upravnog odbora,

Broj: PL-1-4/5-2-2/95

26. januara 1995. godine

mr Mensur Smajlović, s. r.

SLUŽBENE OBJAVE

PROGLAŠENJE UMLRIM

Osnovni sud II Sarajevo i to sudija Mrdović Fatima u vanparničnom predmetu predlagateljice Makaš Šaćire iz Sarajeva, ul. Vitković Brdo 29, radi dokazivanja smrti Makaš Jusufa

iz sela Kukavice, Rogatica, na osnovu člana 65. Zakona o vanparničnom postupku RBiH izdaje slijedeći

OGLAS

MAKAŠ JUSUF, sin Omera, rođen 10. 2. 1907. u selu Kukavice, Rogatica, gdje je imao i prebivalište navodno je poginuo od posljedica ranjavanja dana 12. 7. 1992. godine u blizini sela Kukavice.

Poziva se sam Makaš Jusuf kao i svako drugo lice koje bilo šta zna o njegovom životu ili njegovoj smrti da se u roku od 30 dana od objavljivanja ovog oglasa javi Osnovnom sudu II u Sarajevu ul. Šenoina 1, soba broj 310/III.

Po isteku roka od 30 dana sud će donijeti rješenje po prijedlogu za dokazivanje smrti. (so-50/95)

Osnovni sud I u Sarajevu, u vanparničnom predmetu dokazivanja smrti u predmetu R. 80/95 po prijedlogu predlagачa Pešto Ešrefa, a na osnovu člana 65. Zakona o vanparničnom postupku, izdaje

OGLAS

PEŠTO EKREM, sin Hasana, rod. 23. 3. 1930. godine u Rogatici sa posljednjim prebivalištem u Rogatici, posljednji put je viđen dana 7. 8. 1992. godine u Rogatici, od kada mu se gubi svaki trag.

Poziva se Pešto Ekrem, i svako drugo lice koje bilo šta zna o životu ili smrti Pešto Ekrema, da se javi ovom sudu u roku od 15 dana od dana objavljivanja oglasa.

Po proteku roka donijet će se odluka po prijedlogu za dokazivanje smrti. (so-80/95)

Osnovni sud I u Sarajevu poziva ARUKOVIĆ JUSUFA, sin Ahmeda i majke Kade, rođene Gušić, rođen 7. 2. 1957. g. u selu Planama, SO Han Pijesak, da se javi ovom sudu u roku od 30 dana od dana objavljivanja ovog oglasa.

Nestali Jusuf, nestao je - umro 20. 6. 1992. g. u Vlasenici.

U isto vrijeme poziva se svaka osoba koja ma šta zna o životu ili smrti Aruković Jusufa. Nestali Aruković Jusuf, prema dokumentaciji nestao je 20. 6. 1992. g.

Po isteku roka oglašavanja nestali Aruković Jusuf, bit će proglašen umrlim. (so-65/95)

OSTAVINSKI POSTUPAK

Kod Osnovnog suda II u Sarajevu pokrenut je ostavinski postupak iza umrle LJILJIĆ ANE, od majke Lucije, rođena 6. 3. 1913. godine u Busovači, SO Busovača.

Pozivaju se svi zakonski nasljednici iza umrle LJILJIĆ ANE, kćeri Lucije, sa posljednjim prebivalištem u Sarajevu, Ilidža, Oteška broj 130 da se jave u roku od godinu dana od dana objavljivanja oglasa. (so-63/95)

PEČATI - ŠTAMBILJI

Oglašava se nevažećim pečat Opštinskog sekretarijata odbrane Stolac, prečnika 25 mm i sljedećeg teksta:

REPUBLIKA BOSNA I HERCEGOVINA

OPŠTINA STOLAC - OPĆINA STOLAC

OPŠTINSKI SEKRETARIJAT ODBRANE -

- OPĆINSKI SEKRETARIJAT ODBRANE (so-46/95)

Oglašava se nevažećim okrugli pečat, promjera 30 mm sa slijedećim tekstom:

DD u mješovitosti svojini sa p. o. Institut za informacione tehnologije Sarajevo - Prodavnica br. 1. (so-387/94)

Oglašava se nevažećim pečat okruglog oblika, prečnika 20 mm slijedećeg teksta:

Preduzeće u privatnoj svojini za unutrašnju i spoljnu trgovinu i proizvodnju uređaja računarske tehnike d. o. o. sa p. o. "PRINTEX-SERVIS" Sarajevo. (so-64/95)

Oglašava se nevažećim pečat kružnog oblika, promjera 24 mm sa natpisom po obodu KLUB MALOG FUDBALA "MA-MI-D" SARAJEVO. (so-81/95)

PUTNE ISPRAVE

Ministarstvo unutrašnjih poslova oglašava nevažećim slijedeću putnu ispravu:

BH 259425 izdatu 6. 11. 1993. god. u G. K. RBiH u Štutgartu na ime KURANOVIĆ EDINA,

BH 260589 izdatu 25. 09. 1993. god. u G. K. RBiH u Štutgartu na ime ĆIRIĆ IBRAHIM. (so-53/95)

Ministarstvo unutrašnjih poslova oglašava nevažećim slijedeću putnu ispravu:

BH 123279 izdatu 10. 06. 1993. god. u Ambasadi RBiH u Bonu na ime BAJRAMI ĐUMO,

BH 340957 izdatu 26. 11. 1993. god. u G. K. RBiH u Štutgartu na ime SOFTIĆ JASENKA,

BH 106622 izdatu 1. 03. 1993. godine u Ambasadi RBiH u Beču na ime URBAN DAMIR. (so-54/95)

Ministarstvo unutrašnjih poslova oglašava nevažećom slijedeću putnu ispravu:

BH 277090 izdatu 25. 10. 1993. godine u Ambasadi RBiH u Bernu na ime TATAREVIĆ ESAD. (so-55/95)

Ministarstvo unutrašnjih poslova oglašava nevažećom slijedeću putnu ispravu:

BH 278387 izdatu 25. 11. 1993. god. u Ambasadi RBiH u Bernu na ime JAŠAREVIĆ HUSEIN. (so-56/95)

Ministarstvo unutrašnjih poslova oglašava nevažećom slijedeću putnu ispravu:

BH 093226 izdatu 8. 06. 1994. god. u Ambasadi RBiH u Štokholmu na ime MUSTAFA DUJSIĆ. (so-57/95)

Ministarstvo unutrašnjih poslova oglašava nevažećom slijedeću putnu ispravu:

BH 406075 izdatu 22. 01. 1994. godine u Ambasadi RBiH u Beču na ime JUSUFOVIĆ ARNEL. (so-58/95)

Ministarstvo unutrašnjih poslova oglašava nevažećom slijedeću putnu ispravu:

BH 036415 izdatu 2. 07. 1994. god. u SUP Sarajevo na ime PRGUDA FERID. (so-59/95)

Ministarstvo unutrašnjih poslova oglašava nevažećim slijedeću putnu ispravu:

BH 369694 izdatu 6. 07. 1994. god. u G. K. RBiH u Štutgartu na ime KAZIĆ ELVIR,

BH 275102 izdatu 21. 09. 1993. god. u Ambasadi RBiH u Bernu na ime MEHMEDOVIĆ AMIRA. (so-60/95)

Ministarstvo unutrašnjih poslova oglašava nevažećom slijedeću putnu ispravu:

BH 372429 izdatu 10. 11. 1994. godine u Ambasadi RBiH u Ljubljani na ime POPAJA ISMET. (so-61/95)

Ministarstvo unutrašnjih poslova oglašava nevažećom slijedeću putnu ispravu:

BH 308357 izdatu 1. 10. 1993. godine u Ambasadi RBiH u Zagrebu na ime HASANBAŠIĆ ZIKRET. (so-62/95)

VOJNE KNJIŽICE

Čaušević Mirzah, vojna knjižica broj 1231444 izdata od SNO Stari grad Sarajevo.

Zorlak Avdo, vojna knjižica br. 1238350 izdata od SNO Stari grad Sarajevo. (so-49/95)

SADRŽAJ

- | | | | | |
|----|---|----|--|----|
| 24 | Uredba o ratifikaciji Sporazuma u oblasti zdravstva između Ministarstva zdravstva Republike Bosne i Hercegovine i Ministarstva zdravstva Republike Turske | 27 | Uputstvo o načinu izvršavanja Plana i zadataka finansiranja-financiranja Armije Republike Bosne i Hercegovine za vrijeme ratnog stanja | 31 |
| 25 | Odluka o visini i načinu plaćanja naknade za pokriće troškova kontrole kvaliteta poljoprivrednih i prekrasbenih proizvoda u vanjskotrgovinskom prometu | 28 | Uputstvo za primjenu Odluke o oslobađanju od plaćanja određenih komunalnih usluga, troškova izdavanja putnih i drugih isprava i povlastica u unutrašnjem putničkom prometu | 32 |
| 26 | Odluka o ukidanju Odjeljenja Vrhovnog suda Bosne i Hercegovine u Mostaru | | PRIVREDNA KOMORA BOSNE I HERCEGOVINE | |
| | | | Odluka o članskom doprinosu članova Privredne komore Bosne i Hercegovine | 35 |